

Svar

heilbrigðisráðherra við fyrirspurn frá Gunnari Braga Sveinssyni um fjölda sýkinga og andláta af völdum kórónuveirunnar.

Við vinnslu svara við fyrirspurninni var leitað til stofnana ráðuneytisins, Samtaka fyrirtækja í velferðarþjónustu, Reykjavíkunar, Reykjavíkurborgar, sóttvarnalæknis og smitrakningarteymis almannavarna. Svör þessara aðila bárust á mismunandi tímum sl. Þrjár vikur sem kann að hafa áhrif á samtölur.

1. Hve margir á Íslandi hafa:

- a. sýkst af kórónuveirunni,
- b. verið lagðir inn á sjúkrahús vegna veirunnar og hve margir þeirra hafa verið með aðra undirliggjandi sjúkdóma,
- c. verið lagðir inn á gjörgæsludeild og hve margir þeirra hafa verið með aðra undirliggjandi sjúkdóma,
- d. þurft í öndunarvél og hve margir þeirra hafa verið með aðra undirliggjandi sjúkdóma?

Svar óskast sundurliðað eftir aldri (0–10 ára, 11–20 ára, 21–30 ára, 31–40 ára, 41–50 ára, 51–55 ára, 56–60 ára, 61–65 ára, 66–70 ára, 71–75 ára, 76–80 ára, 81–85 ára, 86–90 ára, 91–95 ára, 95 ára og eldri).

- a. Samkvæmt upplýsingum á covid.is 12. janúar er fjöldi staðfestra COVID-19-smita hér á landi, frá 28. febrúar 2020, alls 5.912.
- b. Frá upphafi faraldursins og fram til 8. janúar hafa 296 einstaklingar verið lagðir inn á sjúkrahús vegna COVID-19. Sjúklingar hafa verið lagðir inn á Landspítala (279), Sjúkrahúsið á Akureyri (15) og Heilbrigðisstofnun Vestfjarða (7). Fimm þeirra sjúklinga sem voru innlagðir á Heilbrigðisstofnun Vestfjarða voru síðan fluttir á Sjúkrahúsið á Akureyri eða Landspítala. Engir sjúklingar hafa verið lagðir inn á Heilbrigðisstofnun Norðurlands, Heilbrigðisstofnun Austurlands, Heilbrigðisstofnun Suðurlands, Heilbrigðisstofnun Suðurnesja eða Heilbrigðisstofnun Vesturlands vegna COVID-19.

Innlagnir voru fleiri en einstaklingarnir (298 innlagnir á Landspítala) því nokkrir einstaklingar lögðust inn oftar en einu sinni.

Þrátt fyrir óskir um aðgreiningu eldri aldurshópa niður í fimm ára tímabil voru fjöldatölur stofnana settar fram í 10 ára tímabilum.

Aldursdreifing þeirra einstaklinga sem lagðir voru inn á sjúkrahús er eftirfarandi:

Aldursbil	Fjöldi	Aldursbil	Fjöldi
0–9 ára	1	50–59 ára	36
10–19 ára	2	60–69 ára	68
20–29 ára	13	70–79 ára	65
30–39 ára	14	80–89 ára	57
40–49 ára	18	90 ára og eldri	22

Hvað spurninguna um undirliggjandi sjúkdóma varðar þá svöruðu tvær af framan-greindum stofnunum þeirri spurningu. Á annarri stofnuninni voru allir með undirliggjandi sjúkdóma en tveir af hverjum þremur á hinni stofnuninni. Í svari Landspítala varðandi undirliggjandi sjúkdóma vildi spítalinn koma því á framfæri að slíkt mat þurfi að byggjast á læknisfræðilegu mati sem unnið væri af sérfræðilækni, byggt á sjúkraskrár-gögnum hvers sjúklings, til að hægt sé að gefa rétt og aferandi svar í hverju tilviki. Landspítalinn metur umfang slíkrar vinnu með þeim hætti að vísa verði á umfjöllun ví-sindamanna um efnið.

- c. Á Landspítala hafa 48 manns þurft að leggjast inn á gjörgæslu vegna COVID-19. Fjórir hafa þurft að leggjast inn á gjörgæsludeild Sjúkrahússins á Akureyri. Vísað er til svars við b-lið varðandi undirliggjandi sjúkdóma.
- d. Alls hafa 26 einstaklingar farið í öndunarvél á Landspítala það sem af er faraldri. Hér má sjá aldursskiptingu þeirra við innlögn. Enginn undir 31 árs aldri fór í öndunarvél á Landspítala og enginn yfir 85 ára aldri.

31–40 ára	41–50 ára	51–55 ára	56–60 ára	61–65 ára	66–70 ára	71–75 ára	76–80 ára	81–85 ára	Alls
2	1	1	3	6	9	2	1	1	26

Þeir fjórir einstaklingar sem þurftu á gjörgæsluinnlögn að halda á Sjúkrahúsini á Akureyri fengu allir öndunaraðstoð, þar af voru tveir barkaþræddir. Aldursbil þessara fjögurra einstaklinga var frá 37 ára aldri til 70 ára aldurs.

Vísað er til svars við b-lið varðandi undirliggjandi sjúkdóma.

2. *Hve margir hafa láttist eftir að hafa sýkst af kórónuveirunni og hve margir þeirra hafa verið með aðra undirliggjandi sjúkdóma?*

Á covid.is kemur fram að 12. janúar höfðu 29 einstaklingar láttist vegna COVID-19. Vísað er til svars við b-lið 1. tölul. varðandi undirliggjandi sjúkdóma.

3. *Hve mörg andlát má rekja til hópsmitsins á Landakoti annars vegar og smita á öðrum sjúkrastofnunum hins vegar?*

Það léttust 14 einstaklingar á Landspítala í kjölfar hópsmits á Landakoti. Á hjúkrunarheimilinu Bergi í Bolungarvík léttust tveir einstaklingar. Þrír einstaklingar léttust á hjúkrunarheimilinu Sólvolllum á Eyrarbakka en þau smit eru rakin til hópsýkingarinnar á Landakoti. Einn einstaklingur lést á Landspítala eftir smit á hjúkrunarheimilinu Isafold í Garðabæ.

4. *Hve mörg smit hafa komið upp á stofnunum reknum af:*

- a. ríkinu,
- b. sveitarfélögum,
- c. einkaaðilum eða öðrum en þeim sem falla undir a- og b-lið?

Ekki reyndist unnt að fá fram greiningu á uppruna smita á öllum stofnunum eftir rekstrar-aðilum.

5. *Hve margir hafa þurft á endurhæfingu að halda eftir að hafa smitast af kórónuveirunni og hvað er áætlað að margir þurfi endurhæfingu af hennar völdum á næstunni?*

Samkvæmt svörum frá heilbrigðisstofnunum sex og sjúkrahúsunum tveimur bíða engir þar eftir endurhæfingu eftir COVID-19.

Reykjalundur býður nú upp á sérstaka endurhæfingarmeðferð fyrir þá sem glíma við langvarandi einkenni vegna COVID-19. Þar hafa 25 einstaklingar lokið meðferð og 29 eru í meðferð. Hinn 4. janúar voru 30 einstaklingar á biðlista eftir þessari endurhæfingarmeðferð á Reykjalundi.

Í svörum Reykjalundar við fyrirspurn heilbrigðisráðuneytisins kom fram að mjög erfitt sé að áætla hversu margir muni þurfa á endurhæfingu að halda eftir að hafa sýkst af COVID-19. Ætla má að aðeins hluti þeirra sem sýkst hafa af veirunni og glíma við langvarandi einkenni hafi leitað eftir endurhæfingu á Reykjalundi. Stofnuninni bárust beiðnir frá 70 einstaklingum af þeim u.p.b. 1.900 einstaklingum sem lokið höfðu einangrun vegna COVID-19-smits í september 2020, eða um 4%. Um síðustu áramót höfðu 5.130 lokið einangrun. Ef áætlað er að 4% þeirra eigi eftir að leita til Reykjalundar eru það um 120 einstaklingar.